



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Conciliis Generalibus Approbatis Ac Reprobatis Breve Compendium.

Longo, Francesco

Romae, 1624

5. Sirmiense.

urn:nbn:de:hbz:466:1-10467

De Concilio Sirmienti.

Anno
357



*Arianorum
fraus ut
se Catholico
s ostenderent.*

Acta Concilij.

Nno 357. celebratum fuit Conciliū Sirmiense sub Constantio Imp. dum Sirmij ageret ea occasione ab Arianis coactum, quod Catholicum nomen affectantes, id se posse consequi putarunt, si Hæreticos de filio Dei humiliter, & abiectè nimis sentientes impugnarent. Ea propter, ut scribit Gregorius Nazianzenus in laudem Athanasij Photinum, & sequaces per simulationem, & veteratorie duntaxat condemnarunt; editaq; aduersus eum fidei quadam formula à Marco Arethufio Græcè composita, Photini hæresim condemnarunt.

Huic

Huic primæ formulæ 27. anathematismos contra Photianos, & Arianos inseruerunt, vt Catholici viderentur.

Hanc Catholicæ veritati consentientem, ideoque ab Hilario explicatam fuisse, ipse Hilarius aperte testatur: quæ si nomine *Consubstantialitatis* non caruisset, nullo modo culpari potuisset.

Liberius Romanus Pontifex Athanasio, Hilario, & Hieronymo attestantibus per vim, & minas sollicitatus huic primæ fidei formulæ subscripsit: Athanasium condemnauit, & cum Arianis communicauit, idq. per litteras ad Valentem, aliosue scriptas significans ab exilio liberari, Sediq. suæ restitui petijt. Itaque contra fidei confessionem ac iustitiæ legem peccans, adeoq. turpissimam sibi morum

*Formula
fidei in
hoc Conci-
lio tradita
ab Hilario
explicatur*

*Liberius
Papa la-
psum mise-
rabilis.*

rum, ac vitæ maculam inu-
rens, Arianorum communio-
ne pollutus, quamquam ip-
se infidelis, & hæreticus non
esset, a communione tamen
Catholicorum excidit. Ex
quo factum est, vt Fœlix Dia-
conus in Papam, eius loco
subrogatus sit. Quod quomo-
do acciderit, quoue iure fa-
ctum fuerit, breuiter est hic
recensendum.

Sciendum igitur, quod Li-
berio in exilium ob causam fi-
dei deportato, Romanus Cle-
rus iurauit, se nullum alium,
vivo Liberio in Pontificem ad-
missurum. Opera deinde A-
rianorum; ac præsertim Aca-
cij Cæsariensis Episcopi, Fœlix
Diaconus, Romanus Episco-
pus creatur in locum Liberij.
Qui propter hoc beneficium
liberè cum eis communica-
bat, licet ipse Arianus non es-
set.

*Liberij, &
Felicis Pa-
pe breuis
historia.*

let. Et quamuis Fœlix Arianus fuisset, nihil id Apostolicæ Sedi obesset; constat enim eo tempore Fœlicem Schismaticum Papam, non verum, & legitimū fuisse, cū duo legitimi Pontifices simul esse non possint. Viuebat autem tunc vt verus Pontifex Liberius quo circa nemo Catholicorum Romę cum Fœlice, eo tempore communicare volebat.

Biēnio post deinde successit Liberij lapsus; de quo paulō ante dictū est: & tunc Roman. Clerus abrogata Liberio Pōtificia dignitate, ad Fœlicem se contulit, quem Catholicum esse sciebat. Et ex eo tempore cœpit Fœlix verus esse Papa. Et licet Liberius hæreticus tunc non esset, habebatur tamē talis à Clero Romano propter pacem cū hæreticis

Duo legitimi Pontifices simul esse non possunt.

Liberius licet non esset hæreticus pro tali tamen habebatur

68 DE CONCILIO

cis factã. Et ex ea præsumptione meritò potuit ei Pontificatus abrogari: non enim homines tenentur, aut possunt corda scrutari; sed quem externis operibus hæreticum esse vident, simpliciter hæreticum iudicant, ac vt hæreticum damnant. Et hoc est quod S. Hyeronimus in Chronico ait, permultos ex Romano Clero peierasse, quia iuramentum non seruarunt, quod de non recipiendò alio Pontifice fecerunt.

*Felix in
Concilio
Constantium Imp.
& Episcopos
Vrsacium, &
Valentem
tanquam
hæreticos
damnat.*

Porro Fœlix iã verus Papa animaduertens periculum Ecclesie, & fidei, Deo sine dubio inspirante, qui Ecclesiam suã non deserit, non solum à communione Arianorum recessit, verùm & coacto Concilio, declarauit, Imperatorem Constantium, & Episcopos Vrsacium, & Valentem, cum quibus Liberius pacem fecerat, verè

verè esse hæreticos, Et pro-
pterea redeunte Liberio in
Vrbē, Fœlix cum suis ab Aria-
nis eiectus est, & non diu post
mortuus, siue capite cæsus,
siue ærumnis cōfectus fuerit.
Id enim non certò constat. Hu-
ius autem S. Fœlicis corpus
anno 1582. inuenta est arca
marmorea in Basilica Sancto-
rum Cosmæ & Damiani cum
hac inscriptione in mar-
more incisa, characteribus
antiquis.

*Felix Pa-
pa Mar-
tyr.*

*Fœlicis cor-
pus in ca-
psa mar-
morea in-
uenturam
no 1582.*

*Hic iacet corpus Sancti Fœli-
cis Pape, & Mart. qui Con-
stantium hæreticum damna-
uit.*

Iam vero mortuo Fœlice, Li-
berius iterum sibi reconcilia-
uit Romanum Clerum, & Ca-
tholicum Præsulem se præsti-
tit. Quocirca, omnium con-
sensu iterum legitimè sedere

cos-

cœpit, ac sedit vsque ad mortem. Atque hæc est causa, cur in Cathalogo Pontificum aliqui veterum non posuerunt Fœlicem: quia videlicet, totum Fœlicis tempus in Liberij Pontificatu positum fuit. Sed ad Concilij breuem historiam redeamus.

Semiariani secundam fidei formulam ediderunt qua Dei filium non Deum, sed creaturam confessi sunt.

His peractis, Semiariani hi qualisnam essent, larua deposita, palam prodidere. Nam vt Dei filius non Deus ex Deo sed creatura ex nihilo, vel saltem ex creatura genitus esse credatur, secundam fidei formulam, & confessionem Latino sermone conscriptum à Marco Arethufio Episcopo Græcè translata ediderunt, qua nomen *Substantia*, prorsus abdicarunt, decernentes ne voces *Substantia*, & *Omouision*, quarum nulla mentio fit in scriptura, in sermonibus vsurparentur.

Vtque

Vtque impietati à se conscri-
ptæ auctoritatem adderent,
Athanasio, Socrate, & Sozom.
attestâtibus, Osiû Corduben.
Episcopum Sirmij loco exilij
ab Imperatore detentum, ad
subscribendum sollicitarunt:
qui dum aliquandiù id face-
re recusasset, vir imbecillis,
prope centenarius senio con-
fractus, tandem per vim, tor-
menta, & plagas inductus
(proh scelus) ignominiosè
subscripsit, luctuq. & horrore
immenso fidelibus incusso.
Huius tanti viri lapsus fuit su-
pra omnium casus miseran-
dus, siue Origenis, siue Ter-
tulliani, siue quorumuis alio-
rum: cùm is per tot annos
tantisque publicis actionibus
in Oriente, & Occidente spe-
ctatus fuisset tot summis lega-
tionibus perfunctus, tot Con-
ciliorum magna ex parte Au-
ctor extitisset, Elibertini, A-
re'a-

*Osiûm Cor-
dubensem
tali formu-
læ subscri-
bere com-
pulerunt.*

*Osi lapsus
omnium è
maximi
miseran-
dus.*

72 DE CONCILIO
relatensis, Neocesariensis, A-
lexandrini, & duorum magno-
rum, atque Oecumenicorum
Nicæni, & Sardicensis, & a-
liorum, quorum memoria ex-
cidit: quem in suo Christia-
næ fidei tyrocinio Constanti-
nus Imperator adhaerentem
suo lateri habere voluisset
monitorem, quem parentem
dixisset, & affectu filiali co-
luisset, cum ipsum Osum,
quem, & Ariani Synodorum
Principem dicerent, & Nicæ-
ni Symboli formulam conce-
pisse omnes scirent; hunc, in-
quam, in Conciliabulo Sir-
miensi ignominiosè prostra-
tum, turpissimè factum esse
eiusdem Nicænae fidei prodi-
torem, miserando, nec alias
audito exemplo. Qui tamen
paulò post de vi, & iniuria si-
bi illata protestatus, Ariano-
rum hæresi condemnata, eo-
rumque communione fideli-
bus

*Osius resi-
piscit, pœ-
nitentiãq.
agit.*

bus interdicta pœnitentiam egit, atq. ita Dei vindicis irã anteuertit. Tantum, inquit Athanasius ad Solitar. vim intulit seni, quem Sirmij pro exilio detinebat, & ita eum arctè tenuit, vt afflictus, attritusque malis, tandem egrè cum Ursacio, & Valente communicaret; sed tamen, vt contra Athanasium non subscriberet. Verùm ne ita quidem eam rem pro leui habuit: moriturus enim (post biennium circiter, aut annum) quasi in testamento suo eorum vim testatus est, & hæresim Arianam condemnauit, vetuitque eam à quocumque probari, & recipi.

Ofius moribundus Arianam heresim de testatur.

De auctoritate verò huius Concilij Bellarm. lib. 1. de Concilijs, cap. 7. Oecumenicum fuisse, ait sed ex parte reprobatur, quia sententiam condemnatoriam in Photinum

Concilij auctoritas quanta.

D hic

hic pronunciatam, omnes orthodoxi approbarunt. Ego tamen Baronium sequutus, Conciliabulum potius, quàm vlla ex parte probatum Concilium fuisse, verius esse putarim; tum quod manifestum, in prima fidei formula, quæ Catholica esse indicatur, nomen *Consubstantialis* ad fidem Nicænam explodendam omissum esse, eamque veteratorie, & per summam simulationem editam fuisse; tum etiam quod Liberij communionem Catholici vitarint; ideò maximè, quod fidei confessioni primæ, quæ videbatur Catholica, subscribens, Ariana communione pollutus, ab unitate Ecclesiæ meritò exciderit.

DE